

汪道昆的學思初探（二）

——《太函集》〈閱世〉、〈問俗〉校讀*

張 璉

〈閱世〉¹

論世者有言，有虞氏不若泰氏，循是遞降，則三代不若有虞，由漢而波，其流愈下。明從其朔，不啻積石龍門²，嘉靖以還，則河洛也。余始涉世，業已薄君子，而思野人，其時郃鼎³登齊竿進，威福倒置，何可勝原？要以筮仕無瑕，率能自保，此一時也。頃之，國秉歸楚，奄以□終，即骨鯁不容，而鶴雞不及，又一時也。

當世明良具在，埽而更之，黜陟幽明，明若觀火，庶幾乎世興道，道興世矣。乃今吏計，則我不敢知，夫以三歲計，群有司必稽于眾，蓋朝而受計，與眾共之，自有郡國以來，未之或改，上之殿最，質諸所部；下之直道，徵諸斯民。內之受質，而折其衷，揆之衡石，雖有貝錦，其將安施。本之合併為公，公道著矣，龍君御⁴之理吾郡也，自庚及丙凡六年，薦者自監大夫及部使者凡十有六疏，嘗一上計一質成，載在司功，則言，言美矣。無論境內，即五陵、六郡，以及三吳，自鄉大夫孝廉文學，以及諸父老，稽之輿誦，則言，言美矣。

人言：理之最宜，莫如新都⁵，新都之最宜，莫如理。即齒未及壯，計畢固

* 本文所用《太函集》版本為《四庫全書存目叢書》集部 117-118 冊（濟南：齊魯書社，1997）。

¹ 收錄於《太函集》卷 85。「閱」有臨門弔喪、憂患、憐恤、哀傷等意思。篇名為「閱世」，應是作者感於當世風氣日衰而作之文。

² 「積石龍門」出於《尚書·禹貢》中的「導河積石，至於龍門」，指大禹治水自積石開始開鑿、疏浚，直至龍門止。

³ 「郃鼎」出於《春秋公羊傳》。郃為周文王之子所受封的子爵國，春秋時代為宋所滅，〈桓公二年〉：「夏四月，取郃大鼎宋。此取之宋，其謂之郃鼎何？……宋始以不義取之，故謂之郃鼎。」

⁴ 龍君御，名膺，字君御，武陵人，萬曆八年進士。

⁵ 新都：指王莽，王莽初被封為新都侯。

當首尙書郎，既得驛書主者，以材力左理于時，三老⁶踣⁷、庶人走哈⁸，相愕曰：「信邪？非邪？其將犴⁹麟而鴟鳳邪？」斯世也，而有斯移也，謂將來者何？細民懼矣！諸文學弟子瞪相視也，聚族而言曰：「驛書在信矣，是鳳可髡¹⁰，麟可刖也，無寧鴟¹¹之妖鳴，犴之猛噬，固足多邪？」然則麟、鳳何災？趾、羽災也，斯世也，而有斯移也，吾黨將安放邪？君子懼矣！諸鄉大夫兢兢¹²然！然！憤舉戚戚然！相告曰：「有是哉，毛羽之屬，各三百有六十，不謂不多，其長鳳麟，貴希有也，今則希有爲崇，何貴邪？」而今而後，不幸而羽有鳳、趾有麟，無寧自翦之，自滅之，殆將免矣。斯世也，而有斯移也，則疇昔之所不及者，今且及之，夫既及之，何所不及，藉第令其餘可賈何及邪？善者懼矣！

理能得之所部，得之斯民，得之司功，一旦而失之，在事言有失也，必有以也。

太函氏盱衡而語曰：「嗟乎！生人受命于天，世亡論已，司理起，楚請言，其方汨羅之後，厥有長沙，其一倍世，其一逢世，卒之異世，而同放世，無預焉，莫非命也，則亦莫非天也。理能得之所部，得之斯民，得之司功，一旦而失之，在事言有失也，必有以也。夫既上下無怨，中外無尤，交相得矣，彼其所以寧詎能屬耳，九天之上寓目，九地之下乃始得其間乎？且也，朝瑜暮瑕，眾齊一楚，是果無定論乎？抑亦有異聞乎？此罔兩¹³所不能窺，重黎¹⁴所不能測也。不佞，竊聞之矣，太上命世，其次殉世，其下千世。命世，則周公、孔子是已，天且不違，况于世乎！殉世，則屈平、賈生是已¹⁵，其作述至今誦之，世惡能喪道也，惜其不廣，並以憤亡道喪世矣。吾觀司理之，被此名也，以謫然意下，粥粥然如將不勝。頃之，則廓然其若夷，由由然若自得，夫是之謂不世，兩君子然乎哉！乃若世俗之日趨，吾未見其止也，是可閔矣！作閔世！

⁶ 官名，秦、漢的鄉、縣置三老，幫助縣令、丞、尉推行政令。

⁷ 踣(ㄅㄨˋ)：顛仆、跌倒。

⁸ 哈(ㄏㄚˋ)：嗤笑、欣喜滿面笑容。

⁹ 犴(ㄍㄤˋ)：胡地野狗。

¹⁰ 髡：截斷，剃髮。

¹¹ 鴟(ㄇㄨㄛˊ)：貓頭鷹，古代指惡鳥。

¹² 兢兢：恐懼的樣子。

¹³ A.鬼魅。B.水山川中的水神精怪。C.影子外的微陰淡影。

¹⁴ 古代司天地之官；古代祝融之名。

¹⁵ 屈平是指屈原，賈生指賈誼。賈誼被貶長沙時，曾到湘水邊悼屈原，寫下《弔屈原賦》。

〈問俗〉 16

從子濛問俗，泰茅氏¹⁷曰：「太上化俗，其次易俗，其次從俗，其次負俗，其次絕俗，其下狗俗。¹⁸太上三五之世¹⁹，其民徐徐于于，如野鹿、如標枝、如嬰未孩、如鶉、如鷖²⁰，蓋無爲而民化，庸詎知其爲俗邪？庸詎知其爲非俗邪？三五以還，同教異俗，有鰥在下，三年成都，虞芮質成²¹，朝野咸讓。相魯三月²²，道無遺姦，畏壘大穰²³，因而尸祝，此其易俗者也，內聖外王之緒也。乃若純冕獵較，見衛小君，寧承而制之，無寧亢而爲害，此其從俗者也，玄聖素王之事也。下此則弟靡波流，吾爲砥柱，是曰負俗。舉世皆醉，吾其獨醒，是曰絕俗。律之已甚，則負俗者爲猶賢，彼無從頌而致身，去中庸遠矣，狗則滔滔皆是也，何暇瑕疵？」

濛敬進曰：「五方殊俗而同，民故脩其教，不易其俗，乃今家自爲俗，其孰能不波之，數者將安從？如何則可？」泰茅氏曰：「三五邈矣，大舜、文王、孔子，則皆我師。老氏之徒，亦吾所願學者也。顧越雞不可伏卵，安能與魯同方，浸假而思以易之，我未之能易也。俗方，競聲利而鬪其捷，吾將柴立其中；俗方，矜毀譽以求全，吾將方內而圓外。故負俗，非激也，不可其所不可，不然其所不然，激者不得不激。從俗，非隨也，可無害，其爲可；然無害其爲然，隨者不得不隨。吾其處於二者之間，右從俗，而左負俗，借曰：可絕吾其爲箕穎²⁴，不爲

¹⁶ 收錄於《太函集》卷 85。

¹⁷ 案「泰茅氏」爲汪道昆的別名。

¹⁸ 道昆將人文風氣分爲六種，分別爲：化俗、易俗、從俗、負俗、絕俗、狗俗。

¹⁹ 指三皇五帝時代。

²⁰ 鷖(ㄅㄨㄛˋ)：需母鳥捕食的雛鳥。

²¹ 虞芮質成：周武克殷，「經營豐鎬，崇黎既滅，虞芮質成。」虞侯秘，芮侯共，望西伯之教化，百姓有禮有序，歲隨立朝外，來歸者四十餘國。

²² 指孔子相魯三月，治績斐然。

²³ 穰：禾黍脫粒後的穗和莖。

²⁴ 許由不受堯讓天下，遁耕於箕山下、潁水之陽，後人稱箕穎爲隱者的居處。

首陽²⁵；吾其爲延陵²⁶，不爲汨水²⁷，彼其狗者，非吾事也。」

濛曲跽而請曰：「若濛者，足不出父母之國，受業不及先師之門，直將恣恣然²⁸，徇流俗爲哉？即有胃無心，非所甘矣，藉令國俗，非所預也，其將如里俗何？」泰茅氏曰：「老氏之寶，三里之故俗，庶幾乎近之矣，所不具足者，其惟慈乎？俗既下衰，失其故步。夫儉，德之共也，不侮不奪，禮制所由生焉。乃今儉則務多取，務多取，則無饜，蟻慕之、蠅嘬²⁹之、蠶食之，甚則豺虎攫之，即簞食豆羹，按劍相眄³⁰，詰之以家，人之六正³¹，不啻弁髦，無問慈矣。在昔，保家之主，不敢先人，即橫逆加之，莫不承順，乃今務爲豪舉，示不可磯，雖有小言，報之過當，此非長守富之道也。吾子以千金之子，而服御觥³²于中人之家，父命以貲入成均³³，則曰：吾斯之未能及，儉矣，善從俗矣。顧入事父兄，出事長上，孳孳敦厚於人倫，問之刀布，謝不敢知，以聽嚴君之命，以此而視無饜，不可同日語矣，非負俗能如是乎？塊然一室，繙古史、誦古詩，遇人退然，若不勝衣，能下人矣，脫唾之面，必其自乾，斯其與古爲徒，善負俗者也。世之穰穰³⁴者，焦神極能，直爲耳目，虜耳顧其真君避舍，日陷于非僻，而不自知，使吾子警³⁵然爲富貴容，高蜚³⁶長鳴，以侘³⁷觀聽，惡乎不可，周視州閭鄉黨，何莫不然？乃吾子不有其私，具曰：有父兄在此，父黨之所竊歎，子舍之所特聞者也，吾未敢輕，假以賢者，殆將免焉！鄉人乎？」

²⁵ 伯夷、叔齊不願食周食，寧餓死在首陽山。

²⁶ 延陵：今江蘇武進。春秋吳王壽夢的小兒子季札，有才學，辭謝大哥讓與的王位，寧受封於延陵，被稱「延陵季子」，後受命出訪各國，並觀中原各國禮樂，回國議論天下興衰大勢。據說孔子曾從學於季札。

²⁷ 汨水：在湖南，湘江支流，與羅水合稱爲汨羅江，戰國楚國大夫屈原懷石投汨羅江。

²⁸ 恣恣：蒙昧不清的樣子。

²⁹ 嘬(ㄉㄨㄛˋ)：大口吃肉。

³⁰ 眄：眼睛環視。

³¹ 六正：周代大國三軍的六卿。三軍將佐有六，與六正數同，所以六卿也稱六正。

³² 觥(ㄍㄨㄥ)：古代酒器。

³³ 成均：周代的大學。

³⁴ 穰穰：豐盛、眾多的樣子。

³⁵ 警(ㄍㄨㄥ)：不理會別人所說的話；倨傲。

³⁶ 蜚：形如蚊的臭蟲，食稻花之害蟲；《山海經》的怪獸。

³⁷ 侘：誇耀。

濛又曰：「舉世耳目爲政，率以功利割心固也，伯父不然，獨行負俗，自壯及耆，無間矣。乃今任天之放，率逃譽而不避人非，無亦和光同塵，德之玄也。」泰茅氏曰：「至德、玄同，則吾豈敢，要之，耳目爲政，則非譽易移，狼顧而狐疑，莫爲適主，惟真君在，各以其時，行即寒暑，屢遷不失其信，此吾有志而未逮也。」

濛避席曰：「其斯解帝之懸，而後無可、無不可，伯父是已！雖然里俗非矣，惟伯父易之。」泰茅氏頷之曰：「嘻！吾老矣！」